



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1719. usque ad annum 1720

**Fleury, Claude**

**August. Vind. [u.a.], 1782**

**VD18 13322648**

§. 15. Articulus II. De Ecclesia.

---

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

huius legis adimpletio fuisset facta post Sæc. XVIII. A. C. 1720.  
 sibilis: hinc ex Constitutionibus Alex-  
 andri VII. & Innocentii X. ab Ecclesia  
 receptis tenemur credere, quod præ-  
 cepta Dei iis, qui volunt, & conantur ea  
 juxta præsentis vires adimplere, non sint  
 impossibilia, & quod gratia, quæ ea red-  
 dit possibilia, non eis desit. Hæc veritas  
 ad omne tempus extendi debet, ac  
 unice cum S. Patribus observandum,  
 quod sub priori Testamento gratia multo  
 minus fuerit abundans, minusque ex-  
 tensa, quam in novo (i).

§. XV.

Articulus II.

*De Ecclesia.*

Teste S. Augustino (k): *Ad ipsam sa- Contra  
 lutem ac vitam æternam nemo perve- Propositio  
 nit, nisi qui habet caput Christum, habere LXXII.  
 autem caput Christum nemo poterit, nisi LXXIII.  
 qui in ejus Corpore fuerit, quod est Eccle- LXXIV.  
 sia. Hinc omnes fideles, qui ante & LXXV.  
 post Christum natum erant Christo uniti  
 li 2 per*

(i) S. Iren. l. 5. ad Hæres. c. 11. n. 5. l. 4.  
 c. 36. n. 4. S. Aug. Expos. Ep. ad Gal. c. 3.  
 n. 24. Ep. 5. Epif. Afric. ad Innoc. I. Ep. 177.  
 n. 14. l. de Pecc. orig. c. 25. S. Thom. 1. 2.  
 q. 106. art. 3. in Corp.

(k) L. de Unit. Eccl. c. 19.



Sæc. XVIII. per fidem, fuerunt membra veræ Ec-  
 A. C. 1720. clesię.

Universalitas Ecclesię completitur  
 Angelos & Sanctos, qui componunt  
 Ecclesiam triumphantem, & fideles  
 tentationibus & præsentis vitæ confli-  
 ctationibus expositos in terris, quæ  
 est Ecclesia militans, ac denique  
 sanctorum animas in Purgatorio, seu  
 Ecclesiam patientem: non autem ea  
 quæ Ecclesię triumphanti duntaxat  
 competunt, militanti sunt applicanda;  
 perperam ergo, præcipue, dum hodie  
 hæretici per quatuor sæcula Ecclesię  
 visibilitatem continuo impugnant, de-  
 finitur Ecclesia, quod sit cætus compre-  
 hendens Prædestinatos, Sanctos & Ju-  
 stos terræ & omnium sæculorum. Præ-  
 cipuæ notæ sunt Ecclesię, quod sit Ca-  
 tholica, perpetua, visibilis, sancta,  
 una, infallibilis. Sola vero Ecclē-  
 sia est Catholica, quia nulla alia se ex-  
 tendit ad omne tempus, & ad unive-  
 sum Orbem. Perpetuitas, ceteraque  
 ejus notæ fundantur in Christi promi-  
 sis, & per eam Ecclesia Catholica dis-  
 tinguitur a Synagoga, omnibusque  
 sectis Christianam Rempubliam scitu-  
 dentibus. Impium ergo est dicere  
 cum Protestantibus, quod Ecclesia  
 everti, destrui, in ruinam & desolatio-  
 nem redigi queat: *Existunt, inquit*  
 S. Aug.



S. Aug. (l) qui dicant . . . . illa Eccle- Sæc. XVIII.  
 sia, quæ fuit omnium gentium jam non est, A. C. 1720.  
 periit . . . . O impudentem vocem . . . .

hanc vocem abominabilem, detestabilem &c.  
 Hunc vero errorem, perinde ac si Ec-  
 clesia utpote antiquata & senescens,  
 prope ad interitum sit, impugnaturus  
 S. Augustinus ait (m): *Senectus ipsius*  
*id est, novissima ipsius in lætitia erunt. Et*  
*intendat Charitas vestra, quia dixit senectu-*  
*tem, ne putetis & mortem; homo enim*  
*carne ideo senescit ut moriatur. Senecta*  
*Ecclesie candida erit recte factis, morte*  
*autem non corrumpetur . . . Senecta ista*  
*juvenilis est, senecta ista viridis est, sem-*  
*per virebit.*

Tertia Ecclesie nota est visibilitas.  
 De fide est, Ecclesiam esse societatem  
 visibilem, in qua Electi & reprobi, justi  
 & peccatores, boni & mali, perfecti  
 & imperfecti per publicam ejusdem fi-  
 dei professionem, externam eorumdem  
 Sacramentorum participationem, de-  
 pendentiam a Pastoribus legitimis, quo-  
 rum caput visibile est Pontifex, simul  
 uniti & permixti sunt. De fide est, Contra  
 quod peccatum mortale peccatores ab Poep. XCV.  
 Ecclesia non separet, quamdiu habitum  
 fidei conservant, & quod tanquam fi-  
 li 3 deles

(l) In Psal. 91. n. 11.

(m) Trid. Sess. 14. c. 2. Sess. 6. de Justif.  
 cap. 7.



Sæc. XVIII. deles Christum licet imperfecto modo  
A. C. 1720. pro suo Capite habeant, & ad exem-  
 plum Filii Prodigii Deum vocare pos-  
 sint Patrem suum, & quod peccatum  
 mortale malos Pastores non privet suo  
 caractere, auctoritate, & sua mun-  
 ditate valide exercendi jure, & quod omnes  
 baptizati *lavacro Baptismi membra Ec-*  
*clesiæ effecti sint (n)*, & quamdiu vel  
 ea non separantur, vel sese non separant,  
 semper illius pars sint: ast dummodo  
 hæc dogmata & præcipue visibilitas  
 Ecclesiæ firmiter credatur, dici possent,  
 cum S. August. & quibusdam Patri-  
 bus ac Theologis, quod impii sint  
 vere de Ecclesia, illiusque partes  
 (o): quandoque tamen illi duntaxat  
 appellantur vera Ecclesiæ membra, qui  
 sunt membra viva & percharitatem am-  
 mata.

*Contra*  
*Propositio*  
*LXXVIII.*

Quarta nota est Sanctitas, Ecclesia  
 non modo ob suum Caput omnis Sancti-  
 tatis fontem, ob cultum, doctrinam &  
 Sacramenta est Sancta, sed etiam ob  
 justos, quos complectitur. Ecclesia  
 necessario constare debet justis, non  
 enim

(n) S. Aug. l. 2. contra Cresc. c. 21. l. 4. de  
 Bapt. c. 3. Bellarm. l. 3. de Eccl. milit. c. 9.  
 Melch. Canus de loc. Theol. l. 4. c. 6. ad 9.  
 Bossuet Hist. Variat. l. 15. n. 2.

(o) Bossuet Expof. fid. n. 21.



enim esset Corpus Christi, si non haberet <sup>Sæc. XVIII.</sup>  
 membra viva, non esset unita suo cor- <sup>A. C. 1720.</sup>  
 pori, si non esset animata suo Spiritu,  
 & si charitas in omnibus ejus membris  
 esset extincta.

Nota quinta est Unitas, una tan- <sup>Contra</sup>  
 tum datur Ecclesia, ab ea excluduntur <sup>Propositio:</sup>  
 infideles, Judæi, hæretici, schisma- <sup>LXXXVII.</sup>  
 tici & excommunicati: unitatem dis-  
 solvendi nulla dari potest causa justa,  
 bona opera imo & martyrium extra  
 Ecclesiam toleratum nihil conferunt  
 ad salutem. Extra hanc societatem  
 nec vita, nec justitia, nec salus spe-  
 rari potest. Deus tamen non denegat  
 gratias iis, qui nondum sunt in Eccle-  
 sia, nam infideles & hæretici veritatem  
 non amplectuntur, nec in sinum Ec-  
 clesiæ revertuntur, nisi per prævenien-  
 tem Dei gratiam.

Episcopatus est unus, & hic de jure  
 Divino. Filius Dei quia suam Ecclesiam  
 esse voluit unam, & solide in unitate fun-  
 datam, hinc Primatum S. Petri ad con-  
 servandam & perficiendam hanc uni-  
 tatem stabilivit, atque instituit: ac pro-  
 pterea eundem hunc Primatum agno-  
 scimus in D. Petri Successoribus, cui <sup>Contra</sup>  
 etiam propterea eam submissionem & <sup>Prop. LXXI</sup>  
 obedientiam debemus, quam S. Con-  
 cilia & Patres semper cunctos fideles  
 edocuerunt.



Sæc. XVIII.  
A. C. 1720

Denique Ecclesia quæ semper subsistit, & semper est visibilis, una & sancta, privilegium accepit, ne in sua doctrina errare possit, accepit plenam fidem & mores fidelium dirigendi auctoritatem, leges per seipsam faciendi potestatem, & privati, sicut nullo casu possunt sese eximere a lege naturali, neque dem ob utilitatem humanam, sic nec possunt se eximere ab observantia legum positivarum ad eorum utilitatem conditarum, nisi in casu necessitatis, quando sunt intra Ecclesiam, & ubi agitur de ejusmodi præceptis, in quibus Ecclesia dispensare valet.

Hæc sunt vera principia de Ecclesia, & hi sunt ex opposito errores a Papa per Bullam *Unigenitus* damnati.

§. XVI.

Articulus III.

*De Voluntate Dei, gratia & libero arbitrio.*

Singulari studio & affectu summi Pontifices \* semper erga S. Augustini doctrinam

(\*) Vid. S. Cælest. Ep. ad Episc. Gall. c. 2. Hormisd. epist. 70. ad Possess. Ep. Baron. ad Petr. de Villar. Arch. Vien. die 13. Martii 1603. Alex. VII. ad Univ. Lovan. 7. Aug. 1660. Innoc. XII. ad eandem 6. Febr. 1694.